



Broj: 06-49-28/20
Maglaj, 11.02.2020. godine

Na osnovu člana 17. stav 2. Zakona o javnim nabavkama („Službeni glasnik BiH“, broj: 39/14) i člana 42. Statuta Općine Maglaj („Službene novine Općine Maglaj“, broj 8/07, 3/08 i 6/08) a u skladu sa Budžetom Općine Maglaj za 2020. godinu, Načelnik općine Maglaj donosi

O D L U K U
o usvajanju Plana javnih nabavki Općine Maglaj
za 2020. godinu

I

Općina Maglaj, kao Ugovorni organ iz člana 4. Zakona o javnim nabavkama (u daljem tekstu: Ugovorni organ), utvrđuje stvarne potrebe za nabavku radova, usluga i roba u kalendarskoj 2020. godini. U skladu sa Budžetom za 2020. godinu, a s ciljem osiguranja svega što je potrebno za djelokrug rada Ugovornog organa, donosi se Plan javnih nabavki, koji sadrži podatke o: predmetu nabavke, CPV oznaci, procijenjenoj vrijednosti nabavke, vrsti postupka, planiranom početku postupka i izvoru finansiranja.

II

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da promjeni vrstu postupka kao i procijenjenu vrijednost nabavke na temelju obrazloženja zasnovanog na ekonomskim ili drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

III

Za sve nabavke predviđene Planom javnih nabavki obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama. Neplanirane javne nabavke mogu se provesti na osnovu pojedinačne odluke, koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja Plana javnih nabavki. U tom slučaju Ugovorni organ zadržava pravo da naknadno izvrši izmjenu i dopunu Plana javnih nabavki.

IV

Tabela: “Plan javnih nabavki Općine Maglaj za 2020. godinu” je prilog ove Odluke i čini njen sastavni dio.

V

Plan javnih nabavki objavit će se na web stranici Ugovornog organa, www.maglaj.ba.

VI

Odluka stupa na snagu danom donošenja.

Dostavljeno:

1. Web stranica
2. Načelnik općine
3. U spis
4. Arhiva

